

經史避名彙考

經史避名彙考卷二十三

海寧周廣業耕

帝王 二十 明 附順西

明

明 朱氏其先沛人徙句容熙祖徙泗州世為農家仁祖始

居濠州之鍾離夏原吉一統肇基錄據解贈大明帝與高

後始居丹徒後渡江宋於泗廣業素得姓必由始遷系未

可安推明太祖御製文集自叙世德及己微時事甚悉不聞

以浮為祖今依生太祖從郭子興起事滅元都金陵名應國

號明 顧鼎臣狀元圖考鄧人單仲友作夏言本府名明州與國

號同請易之乃改寧波又明玉珍改旻玉珍

詳前

韓門綴學論科舉云元之朱卷明改硃卷或曰避國姓改
廣業案魏略稱董遇作朱墨別異

魏志王
肅傳注

朱子綱目亦標

朱墨未有作硃者以多朱之例推之必以國姓故也

雲濤小說太祖時褚婆龍為患於清河以褚是國姓駕稱
大白龜為宮上惡同元字命捕之殺龜殆盡青岩記略武
宗正德十四年十月上在南京禁民間養豬及貨售宰殺
犯者發極邊衛充軍以國姓與褚同音也刻日小民殺豬
殆盡

太祖開天行道肇紀立極大聖至神仁文義武俊德成功高

皇帝諱元璋初諱興宗朱國祐史禁初諱字國瑞葬孝陵江今

事用神烈山
舊名鍾山

名義鄒道元彙苑詳注云太祖御名元隆考諸史並無之

惟事記載鳳翔侯張龍初名隆避諱改則鄒說似矣然舊

名不諱且如興宗舊諱既用之孝康廟號洪武時又有王

興宗由隸卒擢知金華府後厯河南參政何嘗諱乎

令式明會典洪武間令表章及一應文字若有御名廟諱

合依古二名不偏諱嫌名不諱若有二字相連者必須迴

避書字之際不必缺其筆畫明律例吏律公式云上書奏

事犯諱律曰凡上書若奏事誤犯御名及廟諱者杖八十

餘文書誤犯者笞四十若為名字觸犯者杖一百其所犯御名及廟諱聲音相似字樣各別及有二字止犯一字者皆不坐罪璵言曰奏事誤犯御名及廟諱者是無忌憚者之為也杖八十餘文書誤犯者以其不至御前不過失於檢點而已故笞四十為名字觸犯則非一時之誤且為人所呼喚故杖一百其所犯聲音相似字樣各別者不坐不諱嫌名也二字止犯一字者不坐二名不偏諱也

案觸諱有罪自漢已然歷晉迄元科條固應加密以法家者言流布甚少十七史商榷言有寫本唐律盛稱為古書嘗寓書求摘鈔未答以齊武杖辛子矣論之明律

勝

日工字一拾

璋
根
地

亦止於杖則知晉有司奏孔鼎以慢論者以其上書犯諱自理又犯非青惟故是以從重非通例也此律文申時行等會典亦載今仍用之特錄於此意古今刑法不甚相遠也

會典貢舉門洪武十七年文字迴避御名廟諱及不許自叙辛苦門第賸錄官檢點得出送提調監試官閱過不錄日知錄崇禎三年禮部奉旨頒行天下避太祖諱祖諱後廣業案諱畧云明不避諱惟離合其字上下其文存避諱之意過時則否今考史概於太祖御諱下一字作諱隸職等字並然此離合上下法與唐宋為字不成同一致敬之

意何云不避乎若續文獻通考等書皆減去偏旁作章至

今仍之遇時則否之言尤所不解

人事名王叔英名元采以字行明詩明史及許相卿草朝

志作原采宋元禧單名禧宋禧傳此避元字也方國珎兄

國璋草木子作國彰元史紀事本末作國章此避璋字也

卜世為明紀述遺曰震澤長語言河南王璋永樂中右都

御史時周府上變璋精奉勅起撫其地王聞璋至愕然以

三獲衛軍為獻考國史非王璋乃王彰也廣有并章字避

案王璋王彰定一人文史避璋改彰耳

之者廬陵劉漢章易字已知此為僅見王禮麟原後集有

云友人劉漢章以避御名易字已知而非名曰莫微余一言

以告四方親舊知今昔稱名之異而非兩人也余為并易

其名曰或遇前人名同則缺筆周宇灤州志年譜有金吏

部尚書李元璋作瑄是也劉作樑新昌縣志洪武十七年
舉人潘岳原名宗岳以廟諱去宗此避舊名也吳良初名
國興弟楨初名國寶後賜名馮勝本名國勝更名宗異後
名勝丁玉初名國珍來歸後太祖更名玉明史朱國寶避諱
專名寶胡美初名廷瑞避太祖字改名美明史又鄭曉曰廷瑞初仕友諒
為江西行省丞相守南昌上至迎謁改名美除此皆避御
學詩國朝典彙作廷美廖道南作傳止曰美字也

案明初諱法近古樂韶鳳等於洪武八年定洪武正韻
十一先元字十七陽璋字皆直書是二名不諱也郭奎
字子章以字行是嫌名不諱也其後用法嚴峻幾於括

手觸禁而名諱之間卒亦踈濶草除而降防禁益弛遂

有以璋為名如永樂中王璋景泰中孫璋海寧人成化中

李璋少保賢子官尚寶丞見少保神道碑呂璋浙江學憲見魏汝舟許州志劉璋四川

志見總正德中羅璋知府見王者非一雖律文止犯一字

不坐然實不可以訓七條類稿云國朝君臣無敢同名

臨文止缺點畫豈其然乎天崇間申嚴其令始知改避

如華亭陸彥章初名彥璋後為刑部侍郎乃去玉旁廣

業族祖五重公初名啟璋改宗葵中崇正己邗舉人乙酉

一統志詳若萬厯進士錢一本字國瑞則終不改也又

案洪武三年禁民間名字犯先聖先賢天國君臣堯舜

禹湯文武并周漢晉唐等國寶者

會典及黃金開國功臣錄

何孟春

餘冬序錄云是年詔中書省曰小民不知避忌往往取
先聖先賢漢賢國寶等字為名字宜禁革之禮部因定
議云云此事後來不復講矣蓋承元季敝俗故有此更
新之令實未嘗苛繩之也然先聖前代尚不可同再傳
而竟以廟諱命名何與洪武之詔顯相悖乎政記又載
洪武二十六年十一月禁軍民命名不得用三公以下
官稱而許相卿草朝志有胡子昭者舊名志高避嫌改
子昭夫官稱及志高且有嫌避何況太祖之諱末失甚
矣

附年號王崇簡冬夜箋記錢塘洪有恒初名洪武忌者言

名犯年號高帝曰此朕興之兆耳御書有恒易之

德祖元

本字避改皇帝尊諱百六續通考橫雲山人史纂序伯

懿祖恒皇帝

尊諱四九

熙祖裕皇帝

尊諱初一陳吳才萬松閣記祖陵在泗州城北三里

案世德碑惟仁祖書先考五四公諱世珍三祖但云某

公未嘗言諱蓋當時祇就行第稱之史家遂以為諱猶

開平王常遇春曾祖名四三祖名重五父名六二宋道

道碑作湯和曾祖名五一祖六一父名七一實皆行第

也

仁祖淳皇帝追尊五四公諱世珍英陵初名英陵張定在田
臨懷縣明史在鳳陽縣太平鄉御製碑在馬關版厯紀云淳
皇兩雷電走避樹下開室中神語曰誰繫取吾土有愿者具
也皇陵帝諱神曰若此人與之可也明往視之屍已陷今圓陽

續文獻通考謚法考云仁祖五四公諱世今凌迪知萬姓
統譜云御諱世今从玉廣業案今字減去偏旁雖意存致
敬未免字體乖歧又有作珍者

方國珍黃巖人據浙東後歸太祖明史傳云國珍又名谷
真蓋降後避明諱云何喬遠名山藏云本名珍字國珍以
字行後避明祖御諱改名貞字谷貞汪鈍翁晚集方谷真

傳云谷真本名國珍一名珍稱谷真者避明諱廣業案貞
真字避仁祖諱谷字則兼避太祖御字也宋文憲瀛撰資
善大夫廣西等處行中書省右丞方公神道碑公諱珍避
國諱更名真因字日貞本集無改國為谷之說則所謂谷真
者特明臣稱之為然耳故王禕造邦勲賢錄及明良鑒起
雜錄等書俱作谷珍草木子仍作國珍鄭曉撰彞永忠等
傳作國珍劉基傳又作谷珍其字或珍或珍或珍蓋本無
定例史家隨便改易也明玉珍呂珍亦作珍丁玉初名國
珍歸太祖更名玉居官巡撫見萬國珍定遠人高帝賜名
斌北征戰沒贈明威將軍見王畿龍元史列傳有張庭珍

北征戰沒贈明威將軍見王畿龍
穀集萬表行狀及黃百家耳逆草

不諱目錄作張庾珎

案洪武元年追尊四廟惟仁祖有諱然亦不甚避以珍
為名字者如營國公郭英嫡孫珍英宗初授錦衣衛指
揮僉事正德進士張曰韜字席珍嘉靖進士蔡國珍宏
治進士毛文字用武其初亦字國珍也至天啓朝工部
尚書曹珍始以避仁祖諱改珎以上崇禎朝國子助教
管珍將就選始改避仁祖諱以字席之行見李樸瑭明
代諱法舉可類推

恭

閔惠皇帝諱允

文

惠

宗

今

從

明

史

或

燕

兵

至

不

知

所

終

國

錄

等

書

謂

遜

位

為

僧

正

統

間

歸

其

西

山

王

北

王

北

王

北

〔名義〕高皇大訓凡東宮親王位下各擬名二十字曰後生子生孫即以上聞付宗人府所立雙名每一世取一字以為上字其下一字臨時隨意選擇以為雙名編入玉牒至二十世後照例續添永為定式東宮位下允文遵祖訓欽武大君勝順道宜逢吉師良善用晟 高岱鴻猷錄下字以火土金水木傍字循環用之 屠叔方建文朝野彙編云帝皇考謚懿文帝諱又曰允炆及皇太子生又命名文奎識者曰此儒生臣下之長稱不類天子氣象至改建文年號燕王聞之訝曰是何重疊至此使臣下遍稱年與諱同無乃不祥乎小子行見其敗矣

史出小

廣業案此有三失

文與文雖義異而音與字樣相同一也犯懿文舊謚二也
既以嫌諱繫年又為二子作名曰文奎文圭三也若續通
考萬姓統譜等書減去火旁直作諱允文乃與年號及子
全無分別又失之尤甚者也日知錄以建文年號證明不
諱嫌名蓋未憶及此耳

不事

名徐輝祖中山王

初名允恭避皇太孫諱賜今名

說

興

宗孝康皇帝

追諱標

令式草朝志建文元年二月庚戌追尊皇考為孝康皇帝
廟號興宗詔曰宗祖廟謚稱號所以褒顯功德非所當諱

今後惟廟諱如律迴避廟諱號稱勿諱

案明史選舉志文字中迴避御名廟號是明初廟諱之諱故詔除之然嘉靖間夏貴溪以議諱犯憲宗廟諱廷臣謂於法當斬則革除後仍諱之矣至興宗係太祖舊名而以號其稱廟其失有甚於建文稱年者當日黃公淵方希古輩以文學侍從而不為救正何也

不車六書正義懿文太子諱標用古杓廣業案正義之例遇帝諱俱云改用某字惟建文帝不言改用何字其云用古杓者謂凡書標字皆用古杓字代之也續通考萬姓統譜俱去木旁作栗明季人書皆改從手旁作標鄭端簡諸

王傳作標尤失之

成祖

初號太宗嘉靖四年改

啓天宏道高明肇運聖武神功純仁至孝

文皇帝諱棣初封燕王後起兵稱靖難遂即帝位以北平為

行在都焉其長陵

昌平州長壽山下同詳顧文武昌平山水記

名義朝野彙編建文元年十一月初九日燕王稱名上書

奏為父報讐事臣諱稽首頓首云云書成示左右曰署臣

於燕王之上其義爾知之乎皆對不知王曰余名與帝音

同皇考命名之意有在今以臣先之即稱燕王帝此其兆

也左右皆頓首稱賀廣業案此亦成師兆亂之意

人事六書正義成祖諱棣渚作棟廣業案此亦改木旁作

手續通考作棗明詩綜棠棣作棣正字通作棣部首棗字
代音亦作棗小變其體似為得之

地理潛確類書河間府無棣縣避諱改慶雲縣

物類陸容菽園雜記今士大夫以禁網踈濶全不避忌如
文皇御諱詩文中多犯之楊東里作棠杖似為得體

仁宗敬天體道純誠至德宏文欽武章聖達孝昭皇帝諱高
熾葬獻陵

名義明史諸王表太祖以子孫蕃衆命名慮有重複乃於
東宮諸王世系各擬二十字燕府曰高瞻祈見祐厚戴翊
常由慈和怡伯仲簡靖迪先猷凡二十六子俱有之後熹

宗莊烈二帝名始及由字其他王府亦多不出十字朝野
彙編曰太祖定燕王位下字識者曰高瞻仰觀天也厚載
俯察地也仰觀俯察甚大帝王之象燕王聞之甚喜且以
己名應圖識靖難之圖實始於此出野記廣業案此後帝名
祇避下一字如鄭氏政記書成祖永樂二年四月立世子
高某為皇太子九年十一月立皇長孫瞻某為皇太孫仁
宗宣德三年二月立皇長孫祁某為皇太子以高瞻等字
諸王所同無庸避也

人事名馮敏初名智安太宗乙未進士宣宗以仁宗嫌名
賜名敏官紹興知府王植撰墓志

體字六書正義仁宗諱用古熾

宣宗憲天崇道英明神聖欽文昭武寬仁純孝章皇帝諱瞻

基葬景陵

何喬遠名山藏云仁宗嫡長子生之夕成祖夢高祖授以大生曰傳之子孫永世其昌永樂九年立

而為皇太孫他書或言建文之子太宗撰為皇太孫而未嘗明言宣宗幼失恃亦不自知所出恐是也

令式宣德元年七月己酉申洪武表箋舊式二名不偏諱

無以他字更易初經

人事明史成基命字靖之大名人萬厯進士後避宣宗諱

以字行文東烈皇小識云改名靖之唐執玉畿輔通志云

更號愍子廣業案以基為名者如世宗子哀冲太子戴基

上同五世祖之名殊乖禮典至天崇始嚴禁之成文穆所

由避改也其前人名則改用蔡徐渭路史以楊基為楊蔡

基字孟載與高厚張羽徐貴皆能詩為明初四傑

又明詩綜黃瑜城西劉王故宅

詩云江水東流西日斜劉郎蔡跡尚天涯考荀子國一蔡

明楊偉注云此蔡當作基則蔡蔡二字似難通借續通考

直作其尤非

詳後

英宗法天立道仁明誠敬昭文憲武至德廣孝睿皇帝諱祁
鎮北狩尊為太上皇後復辟英裕陵

名義朱國禎大訓記宣德三年二月乙卯賜皇太子名且
以璽書諭曰祁者至大之義鎮者安重撫定之道宗社之
尊海宇之廣民庶之繁所係甚重必有至大之德用能膺

之

久事金間中古今錄天順庚辰年殿試讀卷初定初順第

一既而司禮監太監問所定卷閣老以姓名對太監曰此

卷固出人一等但傳臚時北方人音與御名相似奈何閣

老愕然乃以王一夔卷易之而置初第二甲中初廣東人

仕終郡守人生命名亦繫子數黃東石碑云英廟諱音積

同然狀元圖考引之張元補志和順墓亦載此事非妄也會昌侯孫鎮成化中以名犯

英廟諱上為改曰銘考續通

字六書正義英宗諱瀍用鎮續通考作真廣業案天崇間

鎮皆改用填如填撫司填守官之類此字漢書多用之宋

庠國語補音亦云鎮或作填若鎮則俗體也

恭仁康定景皇帝諱祁鉦英宗北狩由邸王即帝位葬西山
六書正義鉦字注云景帝諱祁鉦通用玉字本作鉦从王
續通考^作王

憲宗繼天凝道誠明仁敬崇文肅武宏德聖孝純皇帝諱見
深初名見濬葬茂陵

名義明詩綜云帝諱見濟初名見深廣業案見濟係景帝
長子景泰三年立為皇太子明年卒謚懷獻鄭曉今言及
七脩類稿通紀述遺等書可考也見深乃憲宗正諱今反
以為初名而與懷獻合為一人可乎此誤本之陳仁錫帝

系考近陳景雲紀元要略仍之不可據也當從明史憲宗
改名在天順初先是正統十二年英宗北狩郕王奉皇太
后命立憲宗為太子景泰既改立其子見濟乃封為沂王
英宗復辟憲宗還東宮初名見濬明年出閣講讀及是詔
書更今名失言其故海內驚疑久之得實始定但深字係
蜀府第十三號行第所謂懋進深滋益也以之命名似亦
非宜

令式會典成化十三年十二月甲午朔申科場定式令舉
人文字凡遇御名廟諱下一字俱應減少點畫

案徐溥謙齋文集載英宗時黎文僖公溥見天下鄉試

錄多舛謬或犯國諱摘奏數十條下禮部翰林院議治
考試提調官罪且申定格式行之至今黎淳神道碑據此則
減少筆畫之例蓋始於天順之末至此復申其令也
又事明季人書深皆作溪如陸文裕公名之類亦作溪探
亦作探說文長箋云溪通澗作突後之突俗偽作深注云
不成字

附謚王世貞鳳洲筆記費少師宏卒夏貴溪擬謚文憲霍
南海疏攻之謂犯憲宗廟諱法當斬非也夏辨疏極支離
而引彭文憲時為證亦非也彭在憲宗未賓天之前當引
正德間宋文憲濂為當然文皇帝之文武宗之武臣之謚

固安之矣

孝宗建天明道純誠中正聖文神武至仁大德敬皇帝諱祐
橿 葬泰陵

〔名義〕明史帝母淑妃紀氏成化六年生帝西宮時萬貴妃
專寵宮中莫敢言悼恭太子薨憲宗始知之育周太后宮
十一年敕禮部命名廣業案是時手勅禮部會同翰林院
具擬內閣擬樞楷祭槩四字以進皆不用諭再擬乃定睿
名曰祐橿
令武會典宏治七年定科場式御名廟諱及親王名諱仍
依舊制二名不偏諱不必缺其點畫遠者點落

案此制與成化相違而續通考孝廟諱作祐堂明季書又作佑棠或作捷又與此制相違

武宗承天達道英肅睿哲昭德顯功宏文思孝教皇帝諱厚

照自號大護慶一作法王幾輔通志武宗好佛自名大慶法王

禮部尚書傳瑄倂不知奏云誰為大慶法王敢並至尊大不

敬當誅詔勿問事亦寢克山堂外紀武廟學香給自名忽必

列習回詔自名沙古教爛學西又親征小王子更名壽教

稱總督軍務威武大將軍總兵官楊廷和傳此下有太師鎮

國公事在正德十四年詔廷臣革勅大學士楊廷和蔣冕俱

乃自卑而為臣草勅是臣儲面促革勅儲不可曰陛下為君

名君也見霍韜所撰儲傳又號錦堂老人武宗南巡過鎮

一清第賜詩自題錦葬康陵

堂老人見明詩綜

崇正末誠意伯劉孔焰

明史作昭

大學士魏焰乘巡撫方孔焰

本皆作照避武宗諱改凡照字通用焰

案武宗承宏治之制不避御名明史載詹仰庇隆慶初以御史巡視十庫疏劾內官侵漁中言再照人主者云云故事諸司文移往還及收民官出教用照字言官上書無此體宦官因指再照人主語為大不敬帝怒曰仰庇小臣敢照及天子遂杖百除名據此知穆宗時尚不避照字

世宗欽天履道英毅神聖宣文廣武洪仁大孝肅皇帝諱厚

熈自號天河釣叟

堯山堂外紀又明史陶仲文傳特帝好道自號靈霄上清統雷元陽妙一飛元真君

陵

加號九天玄教普濟生靈帝陰陽功過大逆惡仁紫極仙翁
一陽真人元虛圓應開化伏魔志孝帝君常號太上大羅天
仙紫極長生聖智祐靈統天撥應玉虛
總掌五雷大真人元都境萬壽帝君
又號雷軒由筆莫永

人事李東陽名臣錄張孚敬初名璉字秉用文淵閣大

學士嘉靖十年避御名賜名孚敬字茂恭李贄內閣輔臣

錄以名音同御名請更疏再上上親撰名字焦竑撰張羅

峯傳云上大書今名字填以金賜之又賜銀印其文曰永

嘉張茂恭

案疏請避名明世僅見之事不諳諱禮異議紛然尹守

衡史竊以為避上二名諱徐學模世廟識餘錄以為璉

與御名有嫌不如卓吾之音同為得實至以此笑其諂媚則過矣

謹六書正義世宗諱更用聰

睿宗恭睿淵仁寬穆純聖獻皇帝

追尊世宗父

諱祐杭葬顯陵

興獻之諱明史作祐杭據六書正義云睿宗諱祐杭用古杭注杭杭同則不應从元續通考亦作祐亢然當時臣有杭雄地有杭州皆不諱則杭是也

穆宗契天隆道淵懿寬仁顯文光武純德宏孝莊皇帝諱載堉葬昭陵

名義明史陳以勤為太子洗馬東宮位號未定嚴世蕃屏

人問之以勤曰國本默定久矣生而命名從后從土首出九域此君意也

附年號李鍾伊延慶州志隆慶元年改隆慶衛為延慶衛
堅瓠集改隆慶殿為慶源殿

神宗範天合道哲肅敦簡光文章武安仁止孝顯皇帝諱
鉤葬定陵

不事字名金嘉會西湖關廟廣紀豫章豐城尹陸大典見乙
卯北畿解頭名與帝類恠之或告曰房官閱卷時聞帝空
中呼曰還我解元房官亟冠帶竦立讀卷另署第一叱折
卷則秦翊明也而翊字犯神廟諱考官為抹去其立遂與

關帝諱同

種六書正義今萬厯皇帝諱翊鈞用古鈞

地理明史志開封府禹州元曰均州萬厯三年四月避諱
改曰禹州廣業案元史地理志汴梁路有鈞州無均州則
初改其文後并易以禹也漢屬潁川郡夏啟鈞臺之饗即
此王士正蜀道驛程記鈞州古陽翟禹所封也明諱改
天香樓偶得云古人避帝王之諱如漢諱邦為國諱盈
為滿以不敢斥稱本字故取義同音異之字代之於文
義初無害也近世避諱輒用音同義異之字或仍用本
字僅於點畫之間各任私智妄加損益為音既已相犯

文義或多欠通豈有當於易名之典此必明懸甲令底
有所遵行也廣業案此風甚於光熹之後若萬曆以前
禁網本疎據洪武宣德詔書本無他字代易之例特臣
下書寫不敢不加謹耳乃其時稗野所載或避或否其
避者率任意增損如今章文叢等字前已論其失矣今
觀續通考於仁宗至穆宗諸帝諱熾作熾基作其鎮作
真鉦作玉深作深檉作堂杭作亢照作昭厘作元皆減
偏旁蓋當時創此俗例謂非是無以致敬焉晉允明紀
凡例所云聖諱不敢直書止闕其五行序傳之半以昭
臣則是也若彙苑詳註一書本王元美所定其曰成祖

御名律武宗御名厚叟世宗厚聰穆宗載堅而太祖但
舉初名元隆殊為乖謬世宗之諱世史類編名山藏政
記帝系考皆作瞻琪移土於外與去土無異世史類編
萬厯年李桀所著而曰憲宗諱見濡又改孝宗諱為佑
棠濡豈可謂深棠豈可謂檣乎至若鄭元慶廿一史約
編謂武宗諱厚煉世宗諱厚照已誤編年又以武宗世
宗皆諱厚煉二帝何同一名况厚煉實係趙府江寧恭
懿王諱耶穆宗諱从后从土古厚字也或誤為丕續通
考因去土作元政記乃作載垢陳仁錫作堯不知晉府
榮靖王名美堯而載垢又齊東安和王諱也仁錫又謂

景帝名祁鈺不知祁鈺為秦陽安穆王諱也又有以祐
為佑者此類舛錯不可枚舉彼於君上之諱懵然不知
又何述作之可傳信乎萬姓統譜自太祖至穆宗御諱
皆空格不書是也其隨常書寫則崇正間顧炎氏或音學
五書瑣拂樟照炮庫鈞洛等字俱闕末筆事為近古至
萬厯廣德州志於嘉靖間訓導楊鈞闕一點遂成鈞字
又可嗤也

光宗崇天契道英睿恭純憲文景武淵仁懿孝貞皇帝諱常
洛葬慶陵

名義事記萬厯六年八月十八日生逾日命名常洛陳作仁

長洛

令式禮志天啟元年正月從禮部奏凡從點水加各字者俱改為雖各王府及文武職官有犯廟諱者悉改之廣業案凡常字皆改為嘗如旂嘗奉嘗倫嘗綱嘗天嘗官嘗尋嘗之類明詩綜等書尚襲用之或缺末筆作嘗

人事名綏冠紀畧福清王嘗澄進賢王嘗淦襄王世子嘗添皆從嘗魏荔彤漳州府志游洛圖更名義圖萬厯丙午舉人

國安洛氏改嘗綏冠紀畧有河南巡撫嘗道立左寧南將嘗

書周亮工書影河洛洛字避光宗諱改為維案春秋及左傳皆有洛字後漢都洛陽以水尅大遂為維陽廣業案明季書洛書多作維書

官制南北京太常寺俱作太嘗寺蕭彥有太嘗記萬厯本撰

地理明志常州府萬厯末避諱曰嘗州府蘇州府常熟縣曰嘗熟陝西華州維南縣注云元曰洛南天啓初改洛為維廣業案當時地名常者如河廣南之嘗德府浙江之嘗山縣地名洛者如河南府之維陽郴州府之維容及維川維水宜維之類無不避改明史舉其畧耳廣業世居洛水之北地名洛塘唐許睢陽太守遠之故里也明季家集亦皆

作維塘

附年號司禮監劉若愚原名時泰避光宗年號改

廟號姚德聞滑縣志初伯裕原名光宗避廟諱以字行戊戌進士

熹宗達天闡道教孝篤友章文襄武靖穆莊勤愍皇帝諱由

校

光宗初崩李選侍呼為哥兒見劇一錄傳 葬德陵

令式禮志天啓元年正月從禮部奏凡從木加交字者俱

改為較惟督學稱較字未宜應改為學政各王府及文武

職官有犯者悉改之廣業案初制尚不諱由字後乃改為

縣崇正遺錄云上諭禮部孝思永言施必縣於親是也

入事字名魏莊渠校著六書精蘊其弟庠刻之但稱魏氏不
書名避熹宗諱也

字何楷詩經世本古義假樂篇率由舊章注由舊多訓從
案說文有粵字無由字其義則木生條也然說文中字諧
由聲者頗多疑古本有由字叔重偶遺耳經書此字通訓
為從不知何據或謂其字從田上出指所從之道也因憶
仲由字子路而韓詩注有云東西耕曰橫南北耕曰由則
由之從田其義明矣或又疑由實非字仍當作粵遠其本
訓凡說文中字諧由聲者皆从粵省又古文由縣通用如
由余之為縣余許由之為許縣是也縣本作繇乃隨從之

義則通用之義較為可信但錄音攝由音猶其音不叶如
何可通考說文有避字以行避逕為義音與由同然則凡
用由字者大抵從避通之耳此字犯上諱已通行天下改
由為縣惜當時議者考不及此廣業案爾雅釋詁由自也
郭注云自猶從也經書訓由為從據此縣有數義釋詁於
也憂也喜也皆與由不合惟訓道者近之何氏不表諸經
而強以專為由所未安也又說文長箋木部校字於許慎
原文補今上諱三字而改訓木囚也為木囚也箋云大即
人形亦相類故說文誤从人今改正又釗字下箋云刺非
嘉事帝王之名何以取此近代禮臣妄用木囚字上至尊

名諱無一人奏請改正者後之視今今之視昔惟一慨而已又矯字箋云矯又潤口注云从木交聲古孝切木囚也凡口理口正檢口蓋當用矯歐陽氏改作校轉謬也目今上諱權從唐帖作校以通其語又止字箋引易履校滅止注本从木上諱改又新添勘字云勘校也校本从木訓木因也从囚誤校字注上諱从木今改从手廣業案干祿字書去聲校校注上比校下校尉則从木从手不相通借又五經文字木部校音教又音效皆從木手部校注云經典及釋文或以為比校字案字書無文郭忠恕佩觿譏之曰五經字書不分校校張氏皆從木非也凡夫既妄以矯為

校理之字又云權用歐帖而比較校尉悉从手旁亦失之
不考矣箋中所避惟一校字即由字亦不避其譏許慎也
謂止載東漢秀莊坦^帖四帝諱而餘俱不諱并譏徐鉉不
補注為闕諱夫楚金南唐尚責其失記漢諱凡夫為人臣
子而直斥諸帝廟諱又不注明可乎此書凡遇校字皆注
云避上諱改檢字亦從歐體作檢而不注蓋凡夫卒於天
啓朝思陵尚在藩也其子灼刻之崇正辛未告竣故并避
之正字通云明末避熹宗諱校省作校又引論語犯而不
校云今文从木明避御諱校省作校又案明季於行文通
案明季於行文通用之字皆改從縣及較惟經書字書及

前人詩文集多減筆如汲古閣所刻十三經注疏十七史及唐宋人詩文詞由作由油作油校作校其讐校書籍之校有作教者如吳郡本晉書題錢塘鍾人傑教是也今於較勘計較較量比較等字尚多襲用之

官制提督學校官設自正統元年至正德十年始從田汝耕之請詔給關防文曰欽差某省提督學校關防天啓即位奏請改鑄曰學政其隨常書寫則曰學較明季書類然而學政之名至今仍之又李遜之三朝野記云凡內閣奉差關防篆文曰某處內官關防惟東廠則曰欽差總督東廠官校辦事太監關防熹廟即位避御諱改曰官旗雜史云

東廠永樂十八年始置提督太監一員關防一顆其勅諭
最為隆重泰昌元年九月熹宗登極後厯掌東廠者鄒義
沈蔭宋晉也至天啓四年春魏忠賢掌廠其年夏季李永
貞偶分批東廠一疏司禮監劉若愚見面上關防曰謂永
貞曰省直提學道關防俱避御名題請改鑄此臣下尊君
之體不忍關者東廠係內府親近衙門何三四年尚用舊
關防無人題請改鑄乎永貞歎曰老爹素通六書可謂識
體即轉白忠賢忠賢曰真字我不識這篆字誰能認得
印文用疊篆以九折者而止隨具題改鑄官較曰官旗廣業案廠員本
不學而當日禮臣亦竟無言及者故遲之又久始改此言

錦衣衛官校也校尉亦作較尉將校作將較又校官曰教官校場曰教場鍾惺官制沿革圖有漢司隸較尉中壘較尉唐文學較書舍人宋集英殿較理學校提舉

物類雜史宮中所用油以避熏廟諱皆更之曰芝麻水油漆作改曰漆作

觸犯明史李成名字案知太原衛人萬厯進士天啓四年以右僉都御史巡撫南贛魏忠賢以其為趙南星所用因所屬給由犯御諱除名陳伯友傳又御史金明時疏犯御諱帝

怒褫其職

孫玉揚傳

莊烈愍皇帝

肅松錄云主題欽天守道敏毅敦儉宋文襄武體仁致孝莊烈愍皇帝今從明史

諱由

檢闕賊犯闕自縊於煤山葵思陵

令武日知錄崇正三年禮部奉旨頒行天下避太祖成祖
及孝武世穆神光熹七宗廟諱正依唐人之式惟今上邵
名亦須迴避同蓋唐宋亦皆如此然止避下一字而上一字
天子與親王所同則不諱廣業案蕭彥太嘗記太廟七宗
始睿宗次武宗祧殿藏主自德祖訖孝宗與此首孝宗者
不同此顧氏誤也至由並改縣則上一字亦未嘗不諱
大事氏正字通檢姓漢句章尉檢其明避諱改作簡廣業
案漢有簡姓字从草頭不从竹唯蜀志有簡雍注云本姓
耿幽州人語諸耿為簡遂隨音變之則本無姓源可考

後主

傳注引魏魯有姓簡者說得本明末簡姓始於避諱明詩
子禱事既虛妄其人想亦烏有

綜簡雷字騰芳正德進士官兵部右侍郎此追改也

字檢本旁省從手旁考干祿字書去聲檢檢注云上檢東

字音欽今以為檢按及檢尋字下書檢及檢則字居儼切

五經文字木部檢注云檢察之檢居儼反從手者檢手之

檢音欽則二字音義迥異矣明季書於芝檢石檢玉檢防

檢開檢等概作檢汲古書籍雖自崇正年者亦不免焉

制正字通改館負檢討為簡討府佐檢校為簡較廣業案

崇正元年會試錄同考官金秉乾姚明察雷躍龍皆以贊

善兼翰林院簡討謝德溥張四知俱翰林院簡討此正改

也明詩綜稱王儼永樂初授國史院簡討及林廷機簡討之類此追改也全祖望跋其先檢討公告身云先公告身在世宗時故是檢字崇正後避御諱盡改之先贈公曰涿州人相特請仍改簡討為檢討以洩其忿吾家祀板當仍用簡字以追體先人避諱之意語載家乘中知當時新舊官銜無不改者王士正精華錄六朝松石歌贈鄧簡討鄧名旭順治丁亥進士時尚仍明制也改巡檢為巡簡見綏寇紀畧又官制沿革圖唐巡簡大使宋御史屬簡法集英殿簡討簡鼓院

附陵表林杆叢說明陵多祀前代陵名孝陵與後周武帝同

長陵與漢高祖魏孝文同獻陵與唐高祖金穆宗同景陵
與魏宣武唐憲宗金睿宗同裕陵與金顯宗同茂陵與漢
武同泰陵與唐元宗金肅宗同康陵與漢平帝東漢瑒帝
後晉睿祖宋順祖南漢劉龔同永陵與南唐徐知誥蜀王
建金世祖同昭陵與後周明帝唐太宗南漢劉晟同定陵
與孫吳景帝魏孝明後周宣帝唐中宗宋翼祖金景祖同
慶陵與唐元昭后後唐德祖後周世宗遼聖宗興宗道宗
同德陵與南漢劉隱金宣宗同思陵與金熙宗同又與獻
帝顯陵與前涼張重華後晉高祖遼世宗義宗同昔宋徽
宗梓宮南還議上陵曰永固王性之以祀後魏明帝後周

文宣二后陵名高宗特下秘書省參議蓋陵名相犯前代
固多不避然使不同舊稱亦在乎考禮之臣多學博識爾

附

福王由崧錢往作由松案明史諸王未趙穆王子名由松不
應相同今從明史諸王傳該連國權亦云邵諱由
恭王常洵子李自成破洛陽走淮安馬士英等迎立之於

南京順治二年五月

大清兵渡江奔杭州未幾俘至京師

沈國元紀事曰避王名為縣嵩李松崇正進士晚更名公

桂嘉善人見查明詩綜查崧繼字柱青後改名遺字逸遠海寧人見

雷文案又侯朝宗父侯洵作侯洵
祝洵文改名通此避恭王諱也又改松江府為嵩江府

唐王聿鍵端王碩燝

一作燝

孫毘城長子南都陷後入閩鄭芝

龍等奉為監國駐福州旋移建寧又回福州順治三年八月

大清兵至俘死弟聿鏐亦稱監國於粵隨滅

魯王以海肅王壽鏞子自兗州轉徙台州張國維迎居紹興
號魯監國順治三年六月

大清兵至遁入海居金門鄭成功沉之海中

改以為呂海為澥如縣名定澥鎮澥寧澥鹽之類或作
衆時籍隸海鹽者多稱武原亦有稱鹽官者考鹽官係海
寧舊名自漢末至元皆然不得混為鹽如陳則梁自署鹽
官人吳梅村有贈鹽官張侍御詩實皆鹽也而誤實因魯

王之諱

桂王由榔端王常瀛子而廣總督丁鼎楚等迎之監國於肇慶轉徙雲南順治十六年

大清平滇由榔走緬踰年緬執送之

馮魁西南往事作永明王根蓋省去邑旁也

戴正野廿一史文鈔凡例云國諱之避諸史皆然史記通侯漢書老嚴而厥後尤甚況今代雖為商漢所改縣為班范所用校則魯論訛寫而簡字更書每於諸史見之故此中悉為訂易亦為從古不獨引避已也若司馬易父諱為同未必可安特尊王之誼應如此耳廣業考

明世之諱天崇始有令式然光廟以上諸事作何更代之法史無明文傳記亦闕明季書籍又往往自亂其例如張溥王啓榮等重刻陳祥道禮書太常既改書太嘗矣他處又多作嘗常缺末筆矣而又有嘗袁之字則於成祖仍去木旁也鎮圭作鎮圭其闕末筆與嘗同而又有珍圭赤璋大璋等字是仁祖太祖皆缺首筆也引左傳年鈞擇賢義鈞以下亦闕首筆而由作由校作校又用省筆法李嗣京文翔鳳等重刻冊府元龜常作嘗洛作雖校作較檢作簡鈞作均照作昭而標但從手鎮闕末筆顧有孝唐詩英華嘗松內杪皆闕筆海又作衆凡

此之類頗惑讀考之目歷觀唐宋舊例止宜為字不成故以音學五書為正也

附僭偽諸

大順 李自成延安朱脂人小字磴生見陝西通志延綏志

又名黃來兒見開隨筆作皇來兒一曰黃來夏振叔借山隨

羊奴一曰黃兒者花侍者該往云嶽正末京師與吳下市廛

口語皆曰宋阿軍後李賊破城竟以天下送之李小字曰黃

兒就傳送阿軍者長名鴻基更名自成裏陽鍾錢不成改名

以上聲讀去聲也

鴻基以厥之什一史約編云止雙善為初稱闕王後稱新順

太子改名洪基鍾洪基以厥之又不成

王僭號於延安改名自晟攻陷京城僭稱帝旋走死九宮山

明史自成世居懷遠堡李繼遷寨父守忠禱於華山夢神

告曰以破軍星為若子生自成為經冠紀星云父母異之呼
生記為閻王高迎祥却將號閻將迎祥死繼為閻王破荆
襄據襄王宮殿自稱新順王入關以西安為西京僭號大
順崇正十七年三月陷京城莊烈帝崩僭稱帝追尊七代
為帝后以繼遷為始祖

大清兵至走西安順治二年竄過山九宮山自縊死一云入

寺為僧自號奉天王和尚案周璘書李自成傳後云自成
由公安奔澧州至今安福縣之姑牛壩棄從騎獨竄石門
之夾山寺為僧今寺僧石塔大書奉天玉和尚前立一碑
乃其徒野拂所撰文載和尚不知誰氏子者即其墳也
僧云和尚於順治初入寺音似西人數年其徒野拂始至
康熙甲寅二月和尚終年七十寺藏遺像高額深頤
目蠟鼻狀貌猙獰與明史所載同初自成僭稱奉天倡義
大元帥後復僭號新順王其曰奉天玉和尚蓋以奉天王

自為加然以諱之而野拂為其意與題稱不知何氏子亦諱之也其先聞之常德孫教授良貴回親至古塔訪求之此如

李漁續史藁崇正十七年三月丁未偽丞相牛金星檄召

百官期二十一日俱集於朝禁民間諱自成等字

相傳是日朝賀

者一千三百餘人

毛奇齡後鑒錄僭號後諱自成為春成廣業案

是時嘉善魏學濂以故庶吉士降賊授戶部司務郎中學

濂係忠節公大中次子紳士恥之為檄討之文有云疏街

為闕父避諱受牛賊叱咄拜爵頌天命攸歸作同官領袖

闕父名守忠而偽官有帥標左威武將軍辛思忠刑政府

侍郎鄧若忠又改守備為守領把總為守旅初不之避子

一首為避諱故牛賊叱咤之也後卒自慚縊死去莊烈殉社稷纔四十日而家聲已墮矣

杭州府志東城門舊曰永昌康熙初以其為自成年號改望江門

大西 張獻忠延安衛柳樹澗人自號敬軒號八大王軍中號為黃虎黃面微黃故與自稱西王僭號成都國號大西伏誅

明史獻忠始發高迎祥等並起僭號武昌據楚王第後陷蜀改成都曰西京順治三年

大清兵至漢中擒斬之

綏寇紀畧獻逆於甲申十一月十六日即偽位於成都禁

其下勿得觸諱凡都邑人物犯者必改石碑亦鑿其字否
者立死左右有訶事小兒數千夜則周行街巷聽人語犯
者白堊識其門黎明而收者至俚語曰張家長李家短有
犯者亦在收中獻忠笑曰此我家勝李家之識也釋之後
鑒錄獻忠禁勿觸諱觸諱殊一手一足
汪琬堯峯文鈔闕中有巨鐘沒於水獻忠命牽取之不能
出疑其有神發巨駁擊壞其口二尺餘還出之識者謂賊
名獻忠鐘忠音相近今被擊且壞其獻忠將敗之徵乎果
不半歲死

經史避名彙考卷二十四

海寧周廣業耕厓

宮掖一

后妃作配紫宸母儀海寓禮稱天子與后猶日之與月
陰之與陽言其位均而體敵也然如華胥附寶空紀嘉
祥娥皇女英僅傳釐降至姬室始有宮禁之諱故春秋
逆后在途已不公言其氏况敢知名乎但其時宮寢官
屬統於冢宰或遇主少國疑委寄台輔初未有婦人斷
制重器班諱天下者自秦苒濫觴攝政加號帝母曰皇
太后祖母曰太皇太后適曰皇后漢氏因之呂雉稱制

遂立野雞之訓晉泰始初有司奏故事后諱與帝諱俱下此其由昉歟東漢皇儲屢絕權歸帝惟太后臨朝者六范書用王隱晉書之例作皇后紀大書其諱與遷史呂后稱紀外戚稱世家班書呂后稱紀外戚俱稱傳者異後世史家雖不之遵用然自此帝紀后傳諱必並列隋唐而降則天最著餘並闕如雖異世不相襲禮而國母小君之尊今古則一茲叙次周制凡漢晉以來諸后妃嬪名字可考者悉錄之而侯王夫人不與焉公主無多隨代附見

后稷母姜嫄

史記作原

高辛氏世妃

詩生民篇厥初生民時維

姜嫄鄭箋姜姓者炎帝之後有女名嫄正義婦人不以名
行嫄當是字但五帝時質未必有名字之別故鄭以名言
之廣業案韓詩章句姜姓嫄字說文亦云后稷母字六書
故云周人以諱事神不應廟祀而名之且姜嫄不應獨稱
一字以為名字今叅考思齊篇於周姜太任太姒皆氏而
不名而魯頌亦曰姜嫄則韓詩是也 日知錄云周以姜
嫄為妣周語謂之皇妣太姜是以妣先乎祖周禮大司樂
享先妣在享先祖前而斯干詩以續妣祖箋曰妣先妣姜
嫄祖先祖也或謂變文協韵非也大司樂注周人以稷為

始祖而姜嫄無所配是以特立廟祭之謂之閼宮

桓王后季姜 春秋桓八年冬十月祭公來遂逆王后於紀

九年春紀季姜歸於京師左傳凡諸侯之女行惟王后書

公羊傳女在其國稱女此其稱王后何王者無外其辭成

矣其辭成矣則其稱紀季姜何自我言紀父母之於子雖

為天王后猶曰吾季姜晉書江彪議曰言子尊不加父母

也穀梁傳注云季姜為桓王后書字者申父母之尊 孫

明復春秋尊王發微曰姜紀姓季字王后天下母取之逆

之皆天子命非人臣所能專也祭公遂逆王后於紀非天子

命故不曰王后歸於京師而曰紀季姜歸於京師也廣業

案逆后宜專使祭公因來魯而如紀失輕重之宜故書遂以譏之非竟無天子命而以紀季姜示貶也

靈王穆后 春秋襄十五年劉夏逆王后於齊左傳昭十五年秋八月戊寅王穆后崩冬十一月晉荀躒如周葬穆后此即陰里所聘劉夏所逆者先靈王卒故別立謚經傳皆不書姜氏并不敢斥姓也晉書安平獻王傳魏明悼毛皇后崩議書銘旌咸欲去姓書魏或欲兩書孚以為經典正義皆不應書凡帝王皆因本國之名以為天下之號為與往代相別耳非擇美名以自光也天稱皇天則帝稱皇帝地稱后土則后稱皇后不待稱國號以自表不俟稱氏族

以自彰故春秋隱三年三月庚戌天王崩尊而稱天不曰
周王者所以殊乎列國之君也八月庚辰宋公和卒書國
書名所以異乎天王也襄十五年劉夏逆王后於齊不云
逆周王后姜氏者所以異乎列國之夫人也至列國則曰
夫人姜氏至自齊又曰紀伯姬卒書國稱姓所以異乎王
后也由此考之尊稱皇帝赫赫無二何待於魏乎尊稱皇
后彰以謚號何待於姓乎議欲書魏者此以天皇之尊同
於古列國之君也欲書姓者此以天皇之后同於古之夫
人也從之

附

王姬 春秋莊元年單伯送王姬注王姬不稱字以王為尊
石光霽書法鈞元曰春秋書王姬五不書伯季尊王姬也
廣業案婦人不以名行許嫁則笄而字字即以行第春秋
伯姬叔姬之歸紀皆以字配姓雖紀季姜之歸京師亦本其
父母而字之惟王姬之尊并其字不敢稱詩序何彼穠矣
曰王姬下嫁於諸侯車服不繫其夫下王后一等則其尊
貴可知矣白虎通曰春秋傳築王姬觀於外所以必更築
觀者何尊之也不於路寢路寢本所以行政處非婦人之
居也小寢則嫌羣公子之舍則已卑矣故必改築於城郭
之內傳曰築之禮也於外非禮也

漢

昭靈后劉媪名含始高祖母呂后追尊宋書符瑞志高帝

母含始是為昭靈后后游於洛池有玉雞銜赤珠刻曰玉

英吞此者王后舉而吞之生高祖潜夫論五德志含始吞

赤珠剋曰玉英生漢龍感女媪劉季興史記作劉媪正義

引詩含神霧作含媪皇甫謐曰媪蓋姓王氏或溫氏

高祖呂皇后諱雉字娥姁小名錄誤作名惠帝尊為太后少帝時臨

朝稱制漢書高后紀注荀悅曰諱雉之字曰野雞師古

曰后名雉故臣下諱雉也史記漢書后紀但云高皇后

呂氏不書名與帝紀同例史外戚世家稱字曰呂娥姁漢

外戚傳高皇后呂氏亦不名凡言雉皆改為野雞草木子
云人患痔疾名野雞疾蓋沿漢諱或因避唐高宗小字也
餘詳帝王

案此皇后頌諱立訓之始自是以後后諱但上榜而不
頌下亦不立訓 綱目書母治國事始秦悼武后辛氏
與齊太史氏為二書臨朝御殿稱制詔始漢呂太后及
平王太后和竇太后又殤鄧太后再書北鄉侯閻太后
冲梁太后再書靈竇太后皇子辯何太后晉武帝庾太
后穆褚太后三書魏馮太后再書齊宣德太后魏胡太
后再書唐武太后再書後漢隱帝李太后凡二十有二

案呂后稱制雖諱名而猶斥言其姓田生謂呂氏推轂
先帝是也其後乃稱所居之宮如鈎弋夫人之類至哀
帝尊祖母傅太后為帝太太后母丁姬為帝太后又更
號帝太太后為皇太太后稱永信宮帝太后稱中安宮
而成帝母王氏太皇太后本稱長信宮成帝趙后哀嫡母
為皇太后並四太后桓帝祖母稱長信宮帝母稱長樂
宮後世因之以宮為號但是考以諱為主諱之不存宮
亦從畧焉

孝景皇后諱志字阿渝 姓氏書云喻氏鄭公子渝彌之後
立別族為渝氏歷秦至漢景帝皇后諱志字阿渝中二年

避諱改水為喻因為喻氏南史梁武帝時有俞藥帝曰俞氏無先賢世人云俞錢非君子所宜改為喻藥曰當使姓始於臣

案史記於后諱皆不書尊之同於帝也鄧氏于景后不詳其氏据云中二年時薄后已廢栗姬亦以子廢憂卒則為王皇后無疑然何由考其名字也后母名臧兒女弟兄姁亦為景帝妃獨后諱不傳顏師古曰孝惠張后史記漢書皆無名皇甫謐作帝王世紀始為張后及孝文薄后以下別制名焉至於薄父之徒亦立名字何從而得之乎雖欲示博聞不知陷於穿鑿今觀喻之為喻

不諱名而諱其字且既云喻姓始漢又云始梁亦屬鵠
突元和志載徐州縣無吳縣至孝惠張后名媽實太后
景帝母名猗房皆後起不足信也日喻是不盡由避諱也

孝武衛皇后字子夫初為平陽主詭者後坐戾太子巫蠱事廢宣帝追謚思后

史皇孫王夫人名翁須宣帝母追尊悼后漢書外戚傳帝求得外祖母王媼初詣闕乘黃牛車故百姓謂之黃牛媼名妾人賜號博平君謚思成夫人廣業案媼者婦人尊稱高祖母劉媪孟康曰長老尊稱也左師謂太后曰媼愛燕后賢長安君禮樂志地神曰泰媼媼母別名也媼者婦人

賤稱外戚傳孝元傳昭儀既尊太后後尤驕與成帝母王太后語至謂之姬可証

孝宣許皇后諱平君霍光妻使女醫毒之謚恭哀后

孝宣霍皇后諱成君光小女後廢處昭臺宮

孝成許皇后諱誇後廢處長定宮 漢書傳時數有災異省

減椒房掖庭用度后上疏曰妾誇布服糲食加以幼稚愚惑不明義理孟康注誇大也大布之衣也廣業案此后自序貧賤時事布服糲食文正相對誇布字不經見竊謂誇是后名故首署之其下止稱曰妾東漢班昭上疏鄧太后首言妾昭後但言妾可証且后二姊一為龍顏思侯夫人

名嬪一為平安剛侯夫人名謂字亦從言旁益知誇為后
名孟說非也

孝成趙皇后名宜主號飛燕哀帝尊為太后

王莽廢為庶人

漢書傳后初入陽阿主家學歌舞號曰飛燕伶元

本字避改

飛燕外傳馮萬金通江都中尉趙曼妻姑蘇主而生名宜
主纖便輕袖舉止翩然人謂之飛燕妹名合德為昭儀姊
弟顯寵中宮史臧宮及許美人所生子悉害之帝暴崩無
嗣太后問治昭儀自殺時有童謠云燕飛來啄皇孫皇孫
死燕啄矢此其應也

孝元王皇后諱政君王莽之姑成帝尊為太后哀平時為太

皇太后莽篡偽謚新室文母太皇太后 漢書傳作政君
論衡偶會篇骨相篇俱作正君昔秦始皇名正史諱改政
然則太后本名政王充諱之改為正乎后姊君俠君力君
弟皆有封號食色

附宮人王檣字昭君 漢書元帝竟寧元年賜單于待詔
掖庭王檣為閼氏應劭注王檣王氏女名檣字昭君文韻
曰南郡秭歸人案檣字本從木旁不知何時改從女旁作
嬙

孝平王皇后元后姪孫女莽之女也孺子尊為皇太后又加
太皇太后莽篡偽號黃皇室主莽誅殺火死 漢書莽傳

莽欲以女配帝以固其權奏請博采二王後及周公孔子
世列侯在長安者適子女事下有司上衆女名王氏女多
在選中莽恐其與己女爭即上言身亡德子材薄不宜與
衆女並太后信之詔勿采庶民諸生千餘人上書願得公
女為天下母太后乃聽公卿采公女聘為后後大司徒司
直陳音等奏稱莽功德云將為皇帝定立妃后有司上名
公女為首公深辭讓迫不得已然後受詔據此則王后采
納時固以名上矣史不言者尊諱之他若傳太后女弟鄭
禮為定陶共王后之母又馮太后女弟習孝王后王升名
皆見外戚獨不敢斥后諱子夫翁須平君皆微賤時名成

君則廢後名之非史家通例也

附

館陶公主名嫖景帝姊堂邑侯陳午尚女為武帝后坐巫蠱廢主寡居私通董偃

案公羊傳天子嫁女於諸侯必使同姓諸侯主之故曰公主漢制皇女食邑儀服同列侯帝姊妹及女之尊崇者加號長公主儀服同藩王館陶在景帝時稱長公主武帝時稱大長公主又以竇太后女號竇太主先是呂太后長女魯元公主惠帝時尊為王太后漢書張耳傳云敬教尚魯元公主封宣平侯師古注尚猶配也易泰封

得尚於中行王弼亦以為配諸言尚主者其義皆然而說者謂與尚書尚食同意訓尚為主言主掌之失其理矣廣業案尚如舜尚見帝之尚與上同帝女于歸謂之下嫁娶於帝室謂之尚義正相當尚雖為配畢竟尊隆之辭故納女于貴人亦曰尚史記司馬相如傳相如拜中郎將使蜀太守郊迎縣令前驅蜀人以為寵於是卓王孫自以得使女尚長卿晚而厚分其財與男齊等是也又漢書齊厲王次昌傳皇太后欲以修成君女娥嫁王使宦者徐甲言其事還報太后曰王已願尚娥甲以尊太后之故雖非公主亦曰尚也至魯元之稱太后史

言齊悼惠王獻城陽郡尊魯元公主為王太后齊王乃主之弟其以母禮事主者蓋惠帝以呂太后故納魯元女為后以舅匹甥姊可以為外姑齊王自可以姊為母非直媚主實以諂太后耳前漢公主多驕侈用事其名或傳或否文帝後尚主者多拜駙馬都尉不具錄

脩成君金俗武帝姨景帝王皇后微時嫁金王孫所生女也史外戚世家褚先生述鍾離生之言曰太后在民間時所生子女韓王孫媽以白武帝帝乘輿馳至長陵金氏取之稱為大姊載以歸通謂太后太后曰女某邪曰是也帝因賜湯沐邑號脩成君廣業案徐廣注云女名俗然則太后

呼女即當曰女俗邪褚先生以帝之女兄不敢斥言故以某代之漢書后傳太后微時所謂金王孫生女俗在民間蓋諱之也其文甚明徐注本此因下文無女某邪問答師古遂強解云言隨流俗而在閭巷未顯貴支離甚矣

光武郭皇后諱聖通

以下俱見范書

案此史書后諱之始 史例惟帝稱諱此書皇后亦然 是與帝紀同體也尤伺宮闈小名錄光武母樊太后字

嬀都

光烈陰皇后諱麗華明帝尊為太后

案范蔚宗謂漢世皇后無謚至明帝始建光烈之稱此

本之蔡邕謚議考西漢武衛后謚思宣許侯謚恭哀則
固先乎光烈矣

明德馬皇后諱某 李賢注諱某者史失其名廣業案紀書
諱某者章德竇后孝仁董后靈帝宋后何后與明德為五
此皆當時列榜朝堂者故雖亡失史家猶以某代之非本
無名而為是虛擬也蓋中興初德武元之弊嬪后並以德
進言無出梱名豈外宣自非彤管所得詳竇董宋何則殂
廢之後隨亦除棄特存其一以脩史例其本無名者後魏
隋唐等書但云皇后某氏更不言諱乃當日未嘗列榜非
史故從其略也

和熹鄧太后諱綏肅宗后迎立和帝尊為太后臨朝稱制又
立安帝後書殤帝紀延平元年皇太后詔曰朕且權佐
助朝政廣業案太后稱朕始此漢地志酒泉郡綏彌縣
如淳注魏人今日安彌續志作綏彌案綏之為安當因避諱
緩乃字之訛也魏志有安彌

安思閭皇后諱姬迎立少帝

北鄉侯懿

尊為太后順帝立遷離宮

案晉武帝太始初有司奏故事后諱與帝諱俱下詔以
為近代諱之考東漢臨朝六后始於章德竇后史不著
名和熹稱制終身禮當避諱而元初五年平望侯劉毅
以太后多德政欲令早有記注因上書安帝有云永安

漢室綏靜四海雖曰君前不諱亦何至直斥太后之名
意當時尚未頒下也安思僉立幼君躬臨前殿太后東
面少帝西面羣臣奏事上書皆為兩通一詣后一詣少

帝

見獨斷

此則朝堂之上儼有二帝俱下之例殆始是歟

順烈梁皇后諱姁

李賢音納

冀之女弟援立冲質二帝尊為太后

孝崇惠皇后諱明桓帝生母居永樂宮號永樂太后

桓帝懿獻梁皇后諱女瑩

順烈后女弟

袁宏後漢紀及范書帝

后兩紀李固傳並云桓帝立明年立女瑩為后后紀云有
司奏稱春秋迎后在途稱后今大將軍冀女弟膺紹聖善
云云於是悉依惠帝納后故事而劉昭注禮儀志以漢立

皇后國禮之大而志無其儀因取蔡質所記靈帝立宋后儀以脩闕則知梁后之立儀已無傳矣今有漢雜事秘辛一書云是明初義烏王子充使雲南時篋中書也中載六禮冊立禮儀甚詳胡孝轅楊升菴俱莫審其真偽今以諱考之首曰建初元年四月丁亥保林吳姁以丙戌詔書下中常侍超又曰擇賢作儷隆代所先保林女官順帝諱保當廢此官晉世有之見晉書諸王傳隆又瑒帝諱其以世為代疑是唐人贗作

桓帝鄧皇后諱猛女隨母適梁冒姓梁後復姓以廢死

案梁冀傳鄧香妻宣生女猛香卒宣更適梁紀梁紀者

冀妻壽之舅也壽進猛入掖庭見幸為貴人冀因認猛為女易猛姓為梁據此則單名猛

愍帝伏皇后諱壽為曹操所弑操逼帝廢后假為策曰皇后壽得由卑賤登顯尊極又曰嗚呼傷哉自壽取之尋殺我案后雖被廢亦無斥名之理操之不臣於此可見

愍帝曹皇后諱節操中女初操進三女憲節華後立節為后

御覽引續漢書云立憲為后
范書及魏志皆作節互詳魏

附

舞一作武陽長公主名義王世祖長女太僕梁松尚 案范書

公主附后紀末備載其名世祖五女長曰義王肅宗三女

第二女亦名王其長女名男而順帝三女其次亦名成男
和帝第二女亦名成顯宗十一女有名姬名小姬者與閭
后正同又有名奴名臣名小民者不幾於名女曰妾乎蘭
閨小字原無定準畧取一二存之

案兩漢諸后呂后之外惟孝元母儀四世享國六十年
和熹稱制終身臨朝十有六載雖諱訓無間固宜錄之
班孟堅謂漢興終于孝平後度色寵著聞者二十餘人
其諱字可考者外戚所載止衛子夫王翁須許平君霍
成君數人而已東漢后紀書諱某者今不概列其臨朝
始章德竇后及和熹安思順烈桓思靈思何后凡六諱

諱法均無可考姑依次錄之

附魏武宣卞皇后

曹操繼室文帝追尊

古文苑載卞夫人與楊太尉彪

夫人袁氏書首稱卞頃首中云卞姓當時有所不知注自稱卞姓尊於稱某氏袁氏答書稱彪袁氏注稱袁氏加夫名於上執謙以自卑

文帝郭皇后字女王

魏志后妃傳后少而父永奇之曰此

乃吾女中王也遂以女王為字注引魏書永三女次女昱次即后不書名諱也甄后注引魏書逸五女長女姜次脫次道次榮次即后亦不書名晉武詔謂近代諱之則魏之后諱重矣惜無可考吳后妃俱無名吳志注引江表傳載

孫皓使黃門備行州郡科取將吏家女其二千石大臣子女皆當歲歲言名年十五六一簡閱後宮千數而採擇無已則吳之納后亦以名上矣

晉

宣穆張皇后諱春華

景懷夏侯皇后諱徽字媛容

景獻羊皇后諱徽瑜武帝受禪居宏訓宮號宏訓太后

案景帝二后皆名徽不相避

文明王皇后諱元姬武帝受禪尊為太子宫曰崇化

武元楊皇后諱豔字瓊芝

通典晉武帝泰始二年正月有司奏故事皇后諱與帝諱俱下詔曰禮內諱不出宮而近代諱之非也勿下廣業案武帝受禪在泰始元年十二月追尊宣景文三帝及宣穆張后文帝王太后二年正月辛丑尊景帝羊皇后景午立皇后楊氏景懷追尊在是年之十二月則有司所奏請下之后諱為此四后明矣詔云勿下者謂但上諱榜使臣下不得以之命名勿頒布海內使盡諱避之如帝也宋齊間陸澄王儉等議有班下依舊之文蓋指東晉言之非泰始初制也

武悼楊皇后諱芷字季蘭小字男兒

本字避

改惠帝尊太后賈后

廢為庶人尋弒之後復號 晉書后傳泰始十年武元皇后崩臨終枕帝膝曰叔父駿女男允有美德願脩六宮因立為后宋書五行志惠帝永熙中有人造書曰兩火歿矣哀哉秋蘭後楊太后被廢兩火武帝諱蘭后字也又晉書傳懷帝永嘉元年追復楊太后尊號別立廟神主不配武帝至成帝咸康七年詔內外詳議衛將軍庾譚議若以悼后復位為宜則應配食世祖若以孝懷皇帝私隆母子之道故為立廟者此苟崇私情有虧國典則國譖帝諱皆宜除棄匪徒不得同祠世祖之廟也會稽王昱等咸從譚議由是配食武帝廣業案譚所稱帝諱即諱榜所列者觀此

知武悼之諱永嘉後即不除棄矣

惠賈皇后諱南風小名昔趙王倫廢為庶人尋害之

惠羊皇后諱獻容懷帝時居宏訓宮

劉曜字元暉

案后於永興光熙間廢復非一後為劉曜后卒偽謚獻

文與名相犯蓋陷賊之後不復自言名故議謚者不知也

懷王皇后諱媛姬

御覽引滅榮緒晉書作姬

元夏侯太妃名光姬

恭王妃元帝生母晉書作小字銅環乃沿魏書之訛也然御覽引晉中興書亦

銅環一字

云一字銅環

通典明穆皇后臨除光祿勳字頒下令上書奏

事皆諱

詳後

廣業案光祿官名未詳所改何字晉書職官志

無之宋書百官志云晉哀帝興寧二年省光祿勳并司徒
孝武寧康元年復置則是康獻褚后臨朝時矣明穆於成
帝太寧三年稱制咸和三年崩臨朝不及三年故其事不
傳然晉制帝所生母不諱明穆於夏侯為生祖姑雖不
上祖姑榜猶改官名以避其諱康獻於夏侯為生曾祖姑故亦
省并此官皆一時權制也傳不書諱而曰名今仍之
元敬虞皇后諱孟母

明穆庾皇后諱文君成帝尊太后臨朝稱制命公卿以下奏
事稱皇太后陛下三年而崩

成恭杜皇后諱陵

晉書傳作陵陽
誤今從宋書

晉書傳咸康二年拜為

皇后改宣城陵陽縣為廣陽縣宋書州郡志宣城太守晉
立廣陽令漢舊縣曰陵陽晉成帝杜皇后諱陵咸康四當作
二年改名廣業案后於咸康六年崩

康獻褚皇后諱蒜子

御覽引中興書作字蒜

穆帝尊太后臨朝稱制後

退居崇德宮哀帝海西時復臨朝簡文即位尊崇德太后
孝武時復臨朝在位四十年

通典博士孔晁上書犯帝諱詔特原之又曰古者內諱不
出宮但勿聽以為名至於吾名但在見避過禮其或過謬
皆勿却問以省簡書諱帝廣業案康獻稱制最久臣下諱
避必多但蒜子字不經用而二字名止禁連用又與陵及

春字不同耳

穆章何皇后諱法倪稱永安宮

哀靖王皇后諱穆之 晉書毛寶傳寶之穆之字憲祖小字

武生名犯王靖后諱故稱字

廢帝孝庾皇后諱道憐后於太和六年崩至簡文咸安二年
始追貶為夫人則母儀天下者八年亦應上諱榜也

簡文宣鄭太后諱阿春元帝妃簡文生母初追號會稽太妃孝武尊

簡太后 改春為陽取春夏為陽之義以春秋為陽秋習

鑒齒漢晉陽秋孫盛晉陽秋鄧粲晉陽秋檀道鸞續晉陽
秋中興書目云孫盛著書不曰春秋而曰陽秋者避鄭太

后名也世說褚季野皮裏陽秋晉書后傳徐邈何澄之等

議並云陽秋之義母以子貴晉書地志宣城郡春穀縣

孝武改陽穀宋書州郡志吳郡富陽令漢舊縣本曰富春

晉簡文鄭太后諱春孝武避改曰富陽水注浙江東北

晉后名通典練晉以鄭太后諱故改壽春曰壽陽富春縣

春改固宜春曰宜陽通鑑富春曰富陽凡名春者皆改之廣業

案壽春有三一在江南元和郡縣志壽州壽春郡秦為九

江郡今鳳陽府壽州是也壽州志云壽春秦縣東晉以后

諱改壽陽後改壽州一在江西九江府梁侯景據壽陽陳

書作壽春北史作壽陽一在山西太原府晉書成帝紀咸

和元年石勒將聰攻壽陽石勒載記作壽春太平寰宇記
東晉改壽陽隋從之又平春改平陽新舊改新陽 水經
注引魏志洛陽建春門即上東門晉曰建陽門

通典上書犯帝所生諱議晉都官曹奏以吳興郡上事有

春字犯會稽鄭太妃諱下制書推之王彪之謂今皇太后

臨朝

孝武太元初褚太后重臨朝

奏事詣太后為故應復犯會稽太妃

諱不都官郎傅讓尚書王劭議並謂不應復諱尚書陸納

等並謂故應諱王尚書謂朝臣所諱君之母妻諱者以是

小君故耳君之所生非小君也亦不上諱榜非羣下所應

諱且瑯琊夏侯太妃

案元帝母見前

章郡恭惠君

案元帝宮人荀氏生明帝尊為

建安郡君成帝贈豫章郡君 章皇太后諱案章太后周氏

晉書后傳不載恭惠之諱 帝及海西公晉書但云章 並不頒下令天下同諱宜更詳

太妃不云太后亦無諱 之右丞戴謚議云朝臣所諱君之母妻施於小君非君之

所生所生之諱不上諱榜非羣下所宜諱也竊謂如此則

不惟奏事太后不應諱而已恐門號縣名亦不宜改案此下有

脫 頌於天下而闔朝之臣陳事不避悠悠人吏犯者不問

官號獨易案縣名已改官是縣者衙亦 餘莫之諱將於大

體有不通邪父之所諱子無不諱君之所諱臣其不諱乎

施於小君誠有其文母以子貴亦有明義若以事經至尊

應諱但奏御太后不諱一朝之事諱不並行復是所疑衆

官皆從尚書令王彪之議凡訓體憲章經典無文者則當

准已行之舊令議者所從是右丞議也案彪之時為尚書

議謂當准舊令是以戴右丞之議為是也下文乃彪之所駁按右丞議云門縣改名既

頒天下則朝臣不得不諱意以為門縣名以犯先帝所生

之諱故先帝時改之案先帝謂簡文與明穆皇后臨朝除光祿勳

字義體同爾並皆頒下者今知官名之改非頒下令人皆

諱之也謂上書奏事詣先帝令上書為諱耳非太后及朝

臣並應諱之義今者奏事詣太后何諱之有而乃稱太后

制書遠推之乎議又喻以父之所諱竊以父子天性君臣

異族君之所諱何必盡同元明哀三帝之朝無以所生之

諱順行天下令人皆同諱則臣不同子之一隅也明臣之
所諱君之母妻諱者諱小君之諱耳且四海之人皆小君
之臣妾非所生之臣妾也以小君之諱列於諱榜故天下
同諱所生之諱不列諱榜故天下不同諱於時主相賢明
朝多雋彥今所應准而議云非今所議竊所未達又云母
以子貴三帝之母不以子貴邪議又云章皇太妃之喻殆
非今嫌既不解哀帝所生何以獨非今嫌又今上即位案
上謂所生李淑妃案即李太后何以不頌於天下與簡文皇
帝順皇太后諱率土同諱之乎中興有八帝案元明成康
文孝武當迄今上五帝有所生案五帝所生元夏侯太妃
有九帝
明章郡君哀海西章太妃

孝武李淑妃豈可四帝所生普天下不諱而簡文帝所生獨率

土同諱乎謂王尚書傳郎議為允廣業案據議則寧康太
元之世已不復避春字矣然南齊書蕭詵傳高宗詔曰無
將必誅陽秋明義六朝用此極多古今釋疑曰葛常之作
韻語陽秋異代猶踵其諱是也若富陽新陽等地名至今
相仍不改豈得謂為晉避小君諱哉又考褚太后崩於太
元九年時鄭尚稱會稽王太妃至十九年追尊太妃為簡
文宣太后明年作宣太后廟而李淑妃亦於十九年追尊
為太后則諱避之禮又當與此議不同

簡文順王太后諱簡姬

御覽引晉中興書作字蘭姬

孝武追尊

案通典謂孝武即位頒順太后諱率土同諱據晉書則
簡姬與先帝簡文之謚相犯何以為避當從中興書作
蘭為是

孝武文李太后諱陵容宮曰崇訓孝武生母本簡文宮人形
長色黑宮中謂之崑崙孝武太元初尊淑妃後遷加夫人
太妃十九年尊太后安帝尊太皇太后 真誥紫微夫人
云福和者當有二子盛德命世注福和似是李夫人賤時
小名

案帝所生母本不頒諱列榜既尊稱太后則亦當諱

孝武定王皇后諱法慧

世說注引中興書作惠

安德陳太后諱歸女安恭二帝生母隆安三年追尊

安僖王皇后諱神愛

恭思褚皇后諱靈媛

附前趙劉聰劉皇后字麗芳妹字麗華時號大劉后小劉后

御太平御覽引前趙錄云二后皆殷女又有四孫女並容

色超世女德冠時聰並納之自是六劉之寵傾於後宮晉書載記云聰立四后上皇后為斬月光又武宣皇后名娥字麗華

後趙石虎鄭皇后名櫻桃後趙錄載記俱云本晉冗從僕

射鄭世達家妓石虎立為后唐李頎鄭櫻桃歌云石季龍

崔天祥擅胡豪美人姓鄭名櫻桃是也溫豫續侍兒小名
錄云季龍初娶將軍郭榮妹為妻為優僮鄭櫻桃所諧殺
郭氏更納清河崔氏女櫻桃又諧殺之廣業案是時借國
避諱頗嚴石氏為甚櫻桃即月令含桃不知當時如何避
也又石虎杜皇后名珠御覽引前
後趙錄後燕慕容垂后趙元妃
慕容德后段季妃諱均無考概從畧焉

案兩晉后諱自宣穆至恭思莫不脩載蓋上榜頒下不
得取名其禮較前代為詳泰始初詔頗得政體迨平吳
之後耽惑女寵遂使楊採長白昵枕膝之遺言賈納短
青致吹沙之童唱貽謀不善爰露醜聲雖無內諱亦奚

禪乎江左諱避精詳已違先訓儒臣執議猶見風裁因
脩錄之其廟制祀禮則晉宋禮志具在可考而知也

七月十六日校者不減三代但錄其老虎以著猛於虎也舊咏於
燕三南脫湯火危更落酷吏手奈之何哉